

四庫全書

集部

欽定四庫全書

御定全唐詩卷八百十六

皎然

奉酬袁使君高春遊鵲鵒峯蘭若見懷

鵲鵒中峯近高奇古人遺常欲乞此地養松挂藤絲昨  
聞雙旌出一川花滿時恨無翔雲步遠赴關山期躋險  
與誰賞折芳應自怡遙知忘歸趣喜得春景遲已見郢  
人唱新題石門詩

答裴濟從事

遲遲雲鶴意奮翅知有期三秉綱紀局累登清白資應  
懷青塘居蕙草沒前墀舊月照秋水廢田留故陂至今  
高風在為君吹桂枝昨逢洞庭客果得故人詩何異王  
內史來招道林師欲携山侶出難與白雲辭

白雲上人精舍尋杼山禪師兼示崔子向何山  
道上人

望遠涉寒水懷人在幽境為高皎皎姿及愛蒼蒼嶺果

見栖禪子潺湲灌真頂積疑一念破澄息萬緣靜世事

花上塵惠心空中境清閑誘我性遂使腸一作煩慮屏許

共林客遊欲從山王一作主請木棲無名樹水汲忘機井

持此一日高未肯謝箕賴夕霽山態好空月生俄頃識

妙聆細泉悟深滌清茗此心誰得失笑向西林永

酬薛員外誼苦熱行見寄

六月金數伏茲辰日在庚炎曦爍一作曝肌膚毒霧一作雷

昏性情一作檐安得奮輕翅一作翮起一作迢遙出雲征不知

天地心如何匠生成火德燒百卉瑤草不及榮省一作有

客當此時忽貽懷中瓊捧翫煩袂一作袷滌嘯歌美一作善

風生遲君佐元氣調使四序平中令霜不裊一作袂大作

火餘氣常貞江南詩騷客休吟苦熱行

採實心竹杖寄贈李萼侍御

竹杖裁碧鮮步林賞高直實心去內矯全節無外飾行  
藥聊自持扶危資爾力初生在榛莽孤秀豈封殖干雪  
不死枝贈君期君識

酬薛員外誼見戲一首

方知正始作麗掩碧雲詩文彩盈懷袖風規發詠思遺  
弓逢大敵摩壘怯偏師頻有移書讓多慙繫組遲淺才  
迂且拙虛譽喜還疑猶倚披沙鑒長歌向子期

奉酬李中丞洪湖州西亭即事見寄兼呈吳馮  
處士時中丞量移湖州長史

愛君溪上住遲月開前扃山火照書卷野風吹酒瓶為  
誰留此物意在眼中青樵子逗煙墅漁翁宿沙汀主人

非楚客莫謾譏獨醒宿昔邢城功道高心已冥貪將到處士放醉烏家亭

茗溪草堂自大厯三年夏新營泊秋及春彌覺境勝因紀其事簡潘承述湯評事衡四十三韻

萬慮皆可遺愛山情不易自從東溪住始與人羣隔應物非宿心遺身是吾策先民崆峒子淪景事金液綺里

猶近名於陵未泯跡吾師逆流教禪隱殊古昔

僧傳云人皆隱

於山我獨  
隱於禪

洗足臨潺湲銷聲寄松栢  
細荷採堪服柔草

持可席道心制野猿法語授幽客境淨萬象真寄目皆

有益原上無情花

聖教意草木等器世間雖無情而理性通又云鬱鬱黃花無非般若是其

義

山中聽經石

高僧詮公詩曰學徒數塊石生公有通經石

竹生自蕭散雲

性常潔白却見羈世人遠高摩霄翮達賢觀此意煩想

遂冰蘖伊予戰苦勝覽境情不溺智以動念昏功繇無

心積形骸爾何有生死誰所戚為與勝悟冥不憂頽齡

迎春風自駘蕩禪地常閒寂擲札成柳枝

僧傳北遠法師作涅槃經

疏畢擲札於庭柳枝生焉

漑瓶養泉脉道人知止足盟漱聊自適學



外見古賢頗令我心惕眇綿雲官世夢幻羽陵籍鬼錄

徒相矜九原誰家宅俗情封淺近至理昧堯跖蹈善嗟

沈冥履仁傷堙阨匠心聖亦尤攻異天見責

世論謂堯聖德而嗣

不肯盜跖毀行而享長富無福仁禍淫之應師心攻異之士反怨天責聖不知有昭昭之業論空者又失性空

之實試以慧眼觀斯言諒可覲外事非吾道忘緣倦所歷

中宵廢耳目形靜神不役色天夜清迴花漏時滴瀝

高僧

遠公刻蓮花漏

東風吹杉梧幽月到石壁此中一悟心可與千

載敵故交徒好我筐中無咫尺潘生入空門祖師傳秘

蹟潘生曾受曹溪禪門湯子自天德精詣功不僻放世與成名兩

圖在所擇遠公謂劉處士云世間唯是想耳苟放有世之見心即道豈有世外物來羈爾耶吾

高鳴夷子身退無瑕摘吾嘉魯仲連功成棄珪璧二賢

兼彼才晚節何感激不然作山計改服我下澤君隳元

亮冠我脫潛師屐僧傳沙門法潛著山屐入朝倚卧高松根共逃金

閨籍

答裴集陽伯明二賢各垂贈二十韻今以一章

用酬兩作

知音如瓊枝天生為予有攀折若無階何殊天上柳裴

生清通嗣陽子盛德後詩名比元長

二子詩比王融為俱少年著名賦

體凌延壽

賦如文考亦俱盛年

珠生驪龍領或生靈蛇口何似雙

瓊章英英曜吾手白日不可汙清源宥容垢持此山上

心待君忘情友且伴邱壑賞未隨名宦誘坐石代瓊茵

製荷捐父綬清宵集我寺烹茗開禪牖發論教可垂正

大言不朽白雲供詩用清吹生座右不嫌逸今醉莫試

仙壺酒皎皎尋陽隱千年可為偶一從漢道平世事無

紛紜星文齊七政天軸明二斗召士揚弓旌知君

一作君今

在林數莫學潁陽子請師高山叟出處藩我君還來會

厓阜

答豆廬居士春夜遊東園見懷

春意賞不足承夕步東園事表精慮遠月中華木繁開  
襟寄清景遐想屬空門安得纔芳屣看君幽徑萱

寄崔萬芳夔

氣殺高隼擊惜芳步寒林風搖蒼琅根霜剪菽

音翹蓮心

歸思忽眇眇佳氣亦沈沈  
我身豈遐遠如隔湘漢深  
事邇智莫及願乖情不任  
遲君忘言侶一笑開吾襟

訪朱放山人

野人未相識何處異鄉隔  
昨逢雲陽信教向雲陽覓  
空聞天上風飄飄不可覿  
應非矍鑠翁或是滄浪客  
早晚從我遊共攜春山策

晚冬廢溪東寺懷李司直縱

廢溪無人跡益見離思深  
歸來始昨日恍惚驚歲陰  
清

想屬遙夜圓景當空林宿昔月未改何如故人心遊從  
閒芳趾搖落棲寒岑眇眇湖上別含情初至今道流安  
寂寞世路倦嶮嶮此意欲誰見懷賢獨難任徽聲反冥  
默夕籟何哀吟禪念破離夢吾師誠援琴耿耿已及旦  
曷繇開此襟幽期諒未偶勝境徒自尋安得西歸雲因  
之傳素音

兵後與故人別予西上至今在揚楚因有是寄  
日月不相待思君魂屢驚草玄寄揚子作賦得蕪城溫

溫獨游跡遙遙相望情淮上春草欲楚子秋風生辟士  
天下盡君何獨屏營運開應佐世業就可成名誰借楚  
山住年年事耜耕

因遊支硎寺寄邢端公

大厦資多士掄材得豫章清門推問望早歲騁康莊作  
用方開物聲名久擅場丹延分塞郡宿夕領戎行始馭  
屏星乘旋陰蔽第崇

始佐延州  
俄典茲州

朝端瞻鶚立闕右仰鷹

揚威令兼寧朔英聲重護羌三軍成父子夷落避封疆

身執金吾貴時遭寶運昌雍容持漢綽肅穆衛周堂排

難知臣節攻疑定國章一言明大義千載揖休光踐職

勲庸列

一作烈

修躬志行彰優游應慕陸止足定師張中

宸懷殊政南州佇小康仁為桂江雨威是栢臺霜

自桂州除

侍御史

謬言無隱公忠禍不防譴深辭紫禁恩在副朱

方

左遷溫州治中  
量移潤州長史

切玉鋒休淬垂天翅罷翔論文徵賈

馬述隱許求羊肘後看金碧腰間笑水蒼詩題白羽扇

酒挈綠油囊曠達機何有深沈器莫量時應登古寺佳



趣在春岡止水平香砌鮮雲滿石牀山情何寂樂塵世  
自飛揚已遇鑪峯社還思緝蕙房外心親地主內學事  
空王花會宜春淺禪遊喜夜涼高明依月境蕭散躡庭  
芳得道殊秦佚隳名似楚狂餘生於此足不欲返韶陽

同諸公奉侍祭岳瀆使大理盧幼平自會稽廻

經平望將赴於朝廷期過故林不至

用題  
中韻

望祀崇周典皇華出漢庭紫泥頒會計元酒薦芳馨聖  
慮多虔肅

一作祈  
多祐

齋心合至靈占祥刊史竹筮日數堯

奠禮秩加新命朝章篤

一作重

理刑敷誠通北

一作九

闕遺

愛在南

一作西

亭

一本此下有五袴歌仍詠三碑石重銘躊躇問存歿委曲向郊迴四句

茗

水思曾泛磯山憶重經清風門客仰佳頌國人聽攀桂  
留卿月徵丈待使星春郊迴駟牡遙識故林青

早秋桐廬思歸示道諺

一作該

上人

桐江秋信早憶在故山時靜夜風鳴磬無人竹掃墀  
來觸淨水鳥下啄寒梨可即

一作何暇

關吾事歸

一作關

心自

有期

勞勞山

一作勞山

居寄呈吳處士

山事繇來別只應中老身寒園掃綻粟秋浪拾乾薪

楚人

呼養柴為秋浪

領鶴開書竹誇雲笑向人俗家

一作流

相去遠野

水作東鄰

寄報德寺從上人

鼓吹山在寺西

宗流許身子物表養高閑空色清涼寺秋聲鼓吹山看

心水磬後行道雨花前七葉翻章句時時啟義闢

山中月夜寄無錫長官

湖上涼風早雙峰月色秋遙知秣陵令今夜在西樓別  
葉蕭蕭下含霜處處流如何共清景異縣不同遊

奉賀顏使君真卿二十八郎隔絕自河北遠歸

相一作自

失值氛煙纔應掌上年久離驚貌長多難喜身

全比信尚書重如威太守憐滿庭看玉樹更有一枝連  
題湖上蘭若示清會上人

峰心惠忍寺嶮頂謝公山何似南湖近芳洲一畝間意  
中雲木秀事外水堂閑永日無人到時看獨鶴還

秋宵書事寄吳憑處士

一本無處士二字

眞

一作禪

性在

一作愛

方丈寂

一作寥

寥無四鄰秋天月色正

清夜道心眞大夢觀前事

一作遺跡

浮名悟

一作悞

此身不知

庭樹意榮落感何人

題山壁示道維上人

獨居何意足山色在前門身野長無事心冥自不言閑  
行數亂竹靜坐照清源物外從知少禪徒不耐煩

秋晚登佛川南峯懷裴例

登嶺望落日眇然傷別魂亭臯秋色徧遊子在荆門世  
故東西客山空斷續猿此心誰復見寂寞偶芳蓀

訪陸處士羽

一作訪陸羽  
處士不遇

太湖東西路吳主

一作王

古山前所思不可見歸鴻

一作雁

自翩翩何山賞春茗何處弄春泉莫是滄浪子悠悠一

釣船

酬李侍御萼題看心道場賦以眉毛腸心牙等

五字

畫得  
牙字

我法從誰悟心師是貫花三座觀種子一雨發萌牙定

起輪燈缺宵分印月斜了空如藏史始肯會禪家

辯正論亦

有九流一曰

禪家者流

酬姚補闕南仲雲溪館中戲題隨書見寄

一作清江

詩

寺溪臨使府風景借仁祠補袞周官貴能名漢主思卧  
雲知獨處望月憶同時忽枉緘中贈瓊瑤滿手持

春夜期裴都曹濟集心上人院不至

東林期隱吏日月為虛盈遠望浮雲隔空憐定水清道  
遙方外侶荏苒府中情漸聽寒鞞發淵淵在郡城

和裴少府懷京

一本有都字

兄弟

宦遊三楚外家在五陵原涼夜多歸夢秋風滿故園北  
書無遠信西候獨傷魂空念青門別殷勤岐路言

和閻士和望池月答人

片月忽臨池雙蛾憶畫時光浮空似粉影散不成眉孤  
枕應驚夢寒林正入幃情知兩處望莫怨獨相思



遥和塵上人與陸澧夜集山寺問涅槃義兼

賞陸生文卷

上人自號  
北山子

共是竹林賢

孫綽僧史以七人配  
德嵇阮號竹林七僧

心從貝葉傳說經看

月喻

一作過

開卷愛珠連清淨遥城外蕭疎

一作條

古塔前

應隨北山子高頂枕雲眠

春日和盧使君幼平開元寺聽妙獎上人講

時上

人將遊

五臺

仁聖垂文在虛空日月懸陵遲追括匠宗旨發幽詮法

受諸侯請心教四子傳春生雪山草香下棘林天顧我  
從今日聞經悟宿緣涼山萬里去應為教猶偏

答李侍御問

入道曾經離亂前長千古寺住多年愛貧惟製蓮花足  
取性閒書樹葉篇自笑不歸看石榜誰高無事弄苔泉  
身外空名何足問吾心已出第三禪

奉酬李員外使君嘉祐蘇臺屏營居春首有懷

昔歲為邦初未識今朝休沐

一作宦

始相親移家水巷貧

貪一作

依靜種柳風窗欲占春詩思先邀烏府客山情還

訪白樓人登臨許作

一作接

煙霞伴高在方袍間幅巾

和李舍人使君紆題雲明府道室

許令如今道姓雲曾經西岳事桐君流霞手把應憐壽  
黃鶴心期擬作羣金錄時教弟子檢砂牀不遣世人聞  
桂陽亦是神仙守分別無嗟兩地分

奉和陸中丞使君長源寒食日作

寒食江天氣最清庾公晨望動高情因逢內火千家靜

便覩行春萬木榮  
深淺山容飛雨細  
紫紆水態拂雲輕  
腰章本郡誰相似  
數日臨人政已成

奉酬袁使君送陸  
灞却迴期道寺院

欲別湖上客  
暮期西林還  
高歌風音表  
放舟月色間  
更人莫報夜  
禪閣本無關

招

一作贈

韓武康章

山僧雖不飲  
酤酒引陶潛  
此意

一作興

無

一作少

人別多為

俗士嫌

秋居法華寺下院望高頂

一作峯

贈如獻上人

峯色秋天見松聲靜夜聞影孤長不出行道在寒雲

一作

入深雲

贈韋早

一作卓

陸羽

只將陶與謝終日可

一作好

忘情不欲多相識逢人懶道

名

戲呈薛彝

山僧不厭野才子會須狂何處銷君興春風擺綠楊

贈顏主簿

漢家儀禮盛名教出諸顏更見尚書後能文在子山

贈融上人

常愛西林寺池中月出

一作  
在

時芭蕉一片葉書取寄吾

師

聽寒更寄朱兵曹巨川

欹枕

一作  
獨自

聽寒更寒更發還住一夜千萬聲幾聲到君

處

早春書懷寄李少府仲宣

并序

予故里在長城卞山昔歲屬狂寇陷沒江左親故  
離散永望粉梓不覺傷懷因李使君長城遂寄是  
詩以見情也

早年初問法因悟目中花忽值干戈起芟夷若亂麻脫  
身投彼岸弔影念生涯跡與空門合心將世路賒東田

已蕪沒

東部公有  
東田詩

南澗益傷嗟

秣陵記曰南  
澗竭謝氏滅

崇替驚人

事凋殘感物華知君過我里惆悵舊煙霞

贈和評事判官

廷評年少法家流，心似澄江月。正秋學究天人知，遠識  
權分鹽鐵許。良籌春風憶酒烏，家近好月論禪謝。寺幽  
清白比來誰見賞，憐君獨有富人侯。

酬秦系山人題

一作戲贈

雲林出空

一作定

烏

一作鳥

未歸松吹時，飄雨浴

一作沐

衣石

語花愁

一作悲

徒自詫吾心，見境盡為非。

酬秦系山人戲贈



正論禪寂忽狂歌莫是塵心顛倒多  
白足行花曾不染黃囊貯酒欲如何

貽李湯

茅士常論七真記壺公愛一作好說三山事  
寧知梅福在

人間獨為蒼生作仙吏日服丹砂骨自清  
膚如冰雪心更明山中玉筍是仙藥袖裏素書題養生願隨黃鶴一輕舉  
仰望青霄獨延佇平生好駿君已知何必山陰訪王許

述祖德贈湖上諸沈

我祖文章有盛名千年海內重嘉聲雪飛梁苑操奇賦

梁苑出惠連公雪賦

春發池塘得佳句

康樂云池上樓詩夢惠連方得池塘生芳草之句

世業相承及我身風流自謂過時人初看甲乙矜言語

對客偏能鵲鵲舞

尚公少年善馬

飽用黃金無所求長裾曳地

千王侯一朝金盡長裾裂吾道不行計亦拙歲晚高歌

悲苦寒空堂危坐百憂攢昔時軒蓋金陵下何處不傳

沈與謝

田公與約俱是西邸八友

綿綿芳藉至今聞眷眷通宗有數

君誰見予心獨飄泊依山寄水似浮雲

舟行懷閻士和

二月湖南春草徧橫山渡口花如霰相思一日在孤舟  
空見歸雲兩三片

贈張道士

玉京真子名太一因服日華心如日此心不許世人知  
只向仙宮未曾出

戲呈吳馮

世人不知心是道只言道在他方妙還如瞽者

一作老望

長安長安在西向東笑

宿山寺寄李中丞洪

第五句  
缺三字

偶來中峯宿閑坐見真境寂寂孤月心亭亭圓泉影

滿山花落始知靜從他半夜愁猿驚不廢此心長

杳冥

戲贈吳馮

予讀古人書遂識古人面不是識古人邪正心自見貴

義輕財求俗譽一錢與人便驕倨昨朝為火今為冰此  
道非君獨撫膺

感興贈烏程李明府伯宜兼簡諸秀才


門前峴山近無路可登陟徒愛峴山高仰之常歎息不  
知松與桂生在重巖側

晚秋宿李軍道所居

清溪路不遙都尉每相招落日休戎馬秋風罷射鵰木  
花生野徑栢實滿寒條永夜依山府禪心共寂寥

送陸判官歸杭州

芳草潛州路  
乘軺憶再旋  
餘花故林下  
殘月舊池邊  
峰色雲端寺  
潮聲海上天  
明朝富春渚  
應見謝公船



御定全唐詩卷八百十六

欽定四庫全書

集部

御定全唐詩卷八百十七至九

詳校官庶吉士臣何道沖

主事銜臣徐以坤覆勘

總校官知縣臣繆琪

校對官中書臣金光悌

謄錄監生臣蔣如燕



欽定四庫全書

御定全唐詩卷八百十七

皎然

奉和顏使君真卿與陸處士羽登妙喜寺三癸

亭

亭即陸  
生所創

秋意西山多列岑縈左次繕亭歷三癸

三癸以癸丑歲  
癸卯朔癸亥日

立疎趾鄰什寺元化靈隱蹤始君啟高誅

一作致

誅榛叢

剗楚鞭草理芳穗俯砌披水容逼天掃峰翠境新耳目

換物遠風煙異倚石忘世情  
援雲得真意嘉林幸勿剪  
禪侶欣可庇衛法大臣過  
佐遊羣英萃龍池護清徹  
虎節到深邃徒想嵎頂期  
於今沒遺記

奉陪陸使君長源裴端公樞  
春遊東西武丘寺  
雲水夾雙刹遙疑涌平陂  
入門見藏山元化何繇窺  
曳組探詭怪停驄訪幽竒  
情高氣為爽德煖春亦隨  
瑤草自的皪蕙樓爭蔽虧  
金精落壞陵劍彩沈古池  
一覽市天界中峯步未移  
應嘉一作喜生公石列坐援松枝

奉和陸使君長源夏月遊太湖

此時公權領湖州

庾公心曠遠府事局耳目遂與南湖遊虛襟滌煩燠始

知皇天意積水在亭育細流信不讓動物欣所蓄萬頃

合天容洗然無雲族峭蒨矚仙嶺

神仙傳洞庭神仙所居也

超遙隨

明牧知公愛澄清波靜氣亦肅已見橫流極况聞長鯨

戮

會北信至王師已收長安

中州暫採蘋

即柳惲汀洲採蘋之意也

南郡思剖

竹

公時改授信州

向夕分好風飄然送歸舳

奉和崔中丞使君論李侍御萼登爛柯山宿石

橋寺效小謝體

常愛謝公郡幽期願相從果迴青驄憶共躡玄仙蹤靈  
境若髣髴爛柯思再逢飛梁丹霞接古局蒼苔封往想  
冥昧理誰親冰雪容蕙樓聳空界蓮宇開中峰

今為仙  
寺晉是

仙山遺局古橋  
升仙之處見在

昔化冲虛鶴今藏護法龍雲窺香樹杳

月見色天重永夜寄岑寂清言滌心胸盛遊千年後書

在巖中松

同顏使君真卿李侍御萼遊法華寺登鳳翅山

望太湖

雙峯開鳳翅秀出南湖州地勢抱郊樹山威增郡樓正  
逢周柱史來會魯諸侯緩步凌彩靑清鏡發颼颼披雲  
得靈境拂石臨芳洲積翠遙空碧含風廣澤秋蕭辰資  
麗思高論驚精修何似鍾山集微文及惠休

奉陪陸使君長源諸公遊支硎寺

寺即支公  
學道處

嘗覽高逸傳山僧有遺蹤佐遊繼雅篇嘉會何繇逢塵  
世即下界色天當上峰春暉徧衆草寒色留高松繚繞

彩雲合參差綺樓重瓊葩灑巾舄石淙清心胸靈境若  
可托道情知所從

奉陪鄭使君諤遊太湖至洞庭山登上真觀却

望湖水

郡齋得無事放舟下南湖湖中見仙邸果與心賞俱不  
遠風物變忽與寰宇殊背雲視層崖別是登蓬壺突兀  
盤水府參差沓天衢迴瞻平蕪盡洪流豁中區氣吞江  
山勢色淨氛靄無靈長習水德勝勢當地樞朝宗動歸

心萬里思鴻途

奉和袁使君高郡中新亭會張鍊師晝會二上人

置亭隱城堞事簡跡易幽公性崇儉素雅才非廣求傍  
簷竹雨清拂紫杉風秋不移府中步登茲如遠遊坐覺  
詩思高俯知物役休虛寂偶禪子逍遙親道流更聞臨  
川作下節安能酬

奉和陸使君長源水堂納涼效曹劉體

柳家陶

一作避

暑亭意遠不可齊煩襟蕩朱弦高步援綠

萋愛公滿亭客來是清風携滢渟前溪上曠望古郡西  
六月正中伏水軒氣常淒野香襲荷芰道性親鳬鷺禪  
子顧惠休逸民重劉黎乃知高世量不以出處睽

夏日奉陪陸使君長源公堂集

府中自清遠六月高梧間寥亮泛雅瑟逍遙扣玄關嶺  
雲與人靜庭鶴隨公閒動息諒兼遂茲情即東山

九日和于使君思上京親故



霽景滿水國我公望江城碧山與黃花爛熳多秋情搖  
落見松栢歲寒比忠貞歡娛在鴻都是日思朝英

伏日就湯評事衡湖上避暑

大火方燥石停雲晝亦收將從賞心侶寸景難遠遊擁  
几苦炎伏出門望汀洲迴溪照軒宇廣陌臨梧楸釋悶  
命雅瑟放情思亂流更持無生論可以清煩憂

奉和顏使君真卿修韻海畢會諸文士東堂重  
校

外學宗碩儒游焉從後進恃以仁恕廣不學門欄峻著  
書裨理化奉上表誠信探討始河圖紛綸歸海韻親承  
大匠琢况覩顏波振錯簡記鈇槩音籤閱書移玉鎮昌繇  
旌不朽盛美流歌引

喜義興權明府自君山至集陸處士羽青塘別  
業

應難久辭秩暫寄君陽隱已見縣名花會逢闌是粉本  
自尋人至寧因看竹引身闌白雲多門占春山盡最賞

無事心籬邊釣溪近

夏日集李司直縱溪齋

修景屬良會遠颺生煩襟  
泄雲收淨綠衆木積芳陰  
疏滌府中務迢迢湖上心  
習閑得招我賞夜宜泛琴  
山近資性靜月來寄情深  
澹然若事外豈藉隳華簪

夏日題桐廬楊明府納涼山齋

陶家無炎暑自有林中峰  
席上落山影桐梢迴水容  
放懷涼風至緩步清陰重  
何事親堆按猶多高世蹤

和楊明府早秋遊法華寺

釋事出縣閣初聞茲山靈寺扉隱天色影剎遙丁丁碧  
峰委合沓香蔓垂萸萸清景為公有放曠雲邊亭秋賞  
石潭潔夜嘉杉月清誦空性不昧助道跡又經是以於  
物理紛然若未形移來字人要全與此道冥

宿道士觀

古觀秋木秀冷然屬鮮飈瓊葩被修蔓柏實滿寒條影  
殿山寂寂寥天月昭昭幽期寄仙侶習定至中宵清佩

聞虛步真官方宿朝

冬日天井

一作目

西峯張鍊師所居

採薪逢野泉漸見棲閑所坎坎山上聲幽幽林中語仙

卿何代隱鄉服言亦楚開水

一作冰

淨

一作洗

藥苗掃雪候

山侶零葉聚敗籬幽花積寒渚冥冥孤鶴性天外思輕  
舉

奉同顏使君真卿開元寺經藏院會觀樹文殊

碑

萬國布殊私千年降祖師雁門傳法至龍藏立言時故  
實刊周典新聲播魯詩六銖那更拂劫石盡無期

奉同盧使君幼平遊精舍寺

影剎西方在虛空翠色分人天霽後見猿鳥定中聞眞  
界隱青壁春山凌白雲今朝石門會千古仰斯文

奉同顏使君眞卿袁侍御駱駝橋翫月

山中常見月不及共遊時水上恐將缺林端愛落遲烏  
驚憲府客人詠鮑家詩永夜南樓望裴回若有期

和邢端公登臺春望句句有春字之什

春日繡衣輕春臺別有情春煙間草色春鳥隔花聲春  
樹亂無次春山遙得名春風正飄蕩春甕莫須傾

經仙人渚即沈山下古人沈義一作白日昇仙

處

日月人間短何時此得仙古山春已盡遺渚事空傳不  
見騰雲駕徒臨洗藥泉如今成逝水翻使恨流年

獨遊二首

性野趣無端春晴路又乾  
逢泉破石弄放鶴向雲看好  
僻誰相似從狂我自安  
芳洲亦有意步上白沙灘

臨水興不盡虛舟可同嬉  
還雲與歸鳥若共山僧期  
世事吾不預此心誰得知  
西峯有禪老應見獨遊時

遊溪待月

溪色思泛月沿洄欲未歸  
殘燈逢水店疎磬憶山扉  
夜浦漁驚少空林鵲繞稀  
可中纔望見撩亂擣寒衣

西溪獨泛



道情何所寄素舸漫流間真性憐高鶴無名羨野山經

寒叢

一作苦

竹秀入靜片雲閑泛泛誰為侶惟應共月還

早秋陪韓明府泛阮元公溪

公嘗云禪功可入而宦情詎能忘故

詩中有此意戲之

雨信清殘暑蕭條古縣西早涼生浦溆秋意滿高低前  
事雖堆案閑情得沂溪何言戰未勝空寂用還齊

九日陪顏使君真卿登水樓

重陽荆楚尚高會此難陪偶見登龍客同遊戲馬臺風

文向水疊雲態擁歌迴持菊須相問捫襟媿不才

與盧孟明別後宿南湖對月

五

一作南

湖生夜月千里滿寒流曠望煙霞盡淒涼天地

秋相思路渺渺獨夢

一作望

水悠悠何處空江上

一作裏

裴

回送

一作涓涓伴

客舟

自義亭驛送李長史縱夜泊臨平東湖

長亭賓馭散岐路起悲風千里勤王事驅車明月中寒  
生洞庭水夜度塞門鴻處處堪傷別歸來山又空

出遊

少時不見山便覺無奇趣  
狂發從亂歌情來任閑步  
此心誰共證笑看風吹樹

界石守風望天竺靈隱二寺

山頂東西寺江中旦暮湖  
歸心不可到松路在青霄

奉和顏使君真卿修韻海畢州中重宴

世學高南郡身封盛魯邦  
九流宗韻海七字揖文江  
借賞雲歸堞留歡月在窗  
不知名教樂千載與誰雙

晦日陪顏使君白蘋洲集

南朝分古郡山水似湘東堤月吳風在湔裾楚客同桂  
寒初結旆蘋小欲成叢時晦佳遊促高歌聽未終

冬至日陪裴端公使君清水堂集

亞歲崇佳

一作高

宴華軒照淥波渚芳迎氣早山翠向晴

多推往知時訓書祥

一作雲

辨政和從公惜日短留賞夜

如何

陪盧判官水堂夜宴

暑氣當宵盡，裴回坐月前。  
靜依山堞近，涼入水扉偏。  
久是棲林客，初逢佐幕賢。  
愛君高野意，烹茗釣淪連。

新秋同盧侍御薛員外白蘋洲月夜

隔暑蘋洲近，迎涼欲泛舟。  
榮從憲府至，喜會夕郎遊。  
氣奪滄浪色，風欺汗漫流。  
誰言三伏夜，獨此月前秋。

夏日集裴錄事北亭避暑

前林夏雨歇，為我生涼風。  
一室煩暑外，衆山清景中。  
忘歸親野水，適性許雲鴻。  
蕭散都曹吏，還將靜者同。

與王錄事會張徵君姊妹鍊師院翫雪兼懷清  
會上人

何意庶從事還來會默仙寒空驚雪徧春意入歌偏  
瑤草三花發瓊林七葉連飄飄過柳寺應滿譯經前

和李侍御萼歲初夜集處士書閣

書閣即侍御所創

遲賢新置閣高意此郊居古徑行春早新窗見月初  
放歌還倚瑟講道亦觀書為我留禪位來逢此會疎

湯評事衡水亭會覺禪師

山侶相逢少清晨會水亭雪晴松葉翠煙煖藥苗青靜  
對滄洲鶴閑看古寺經應憐叩一作疏關子了義共心冥

與朝陽山人張朝夜集湖亭賦得各言其志

洞庭孤月在秋色望無邊零露集衰草寒蟬鳴古田茫  
茫區中想寂寂塵外緣從此悟浮世胡為傷暮年

晦夜李侍御萼宅集招潘述湯衡海上人飲茶

賦

晦夜不生月

一作可坐

琴軒猶為開牆東隱者在淇上逸僧

來茗愛傳花飲詩看卷素裁風流高此會曉景屢裴回

寄昱上人上方居

厭向人間住逢山欲懶歸片雲閒似我日日在禪扉地  
靜松陰徧門空鳥語飛夜涼疎磬盡師友自相依

夏日與綦母居士昱上人納涼

為依爐峰住境勝增道情涼日暑不變空門風自清坐  
援香實近轉愛綠蕪生宗炳青霞士如何知我名

建元寺集皇甫侍御書閣



不因居佛里無事得相逢名重朝端望身高俗外蹤

公愛

講佛經嘗云慕劉處士深詣至理

機閒開淨水境寂聽疎鐘宣室恩長

在知君志未成

### 郭北尋徐主簿別業

近依城北住幽遠少人知積雪行深巷閒雲繞古籬竹  
花冬更發橙實晚仍垂還共巖中鶴今朝下淥池

### 題報德

一作思

寺清幽上人西峯

寺即陳文帝故鄉

陳世凋亡後仁祠識舊山帝鄉喬木在空見白雲還雙

塔寒林外三陵暮雨間此中難

一作雖

戰勝君獨啟禪關

題鄭谷江畔桐齋

鄭生好琴性  
達蕙寡欲

客齋開別住坐占綠江濱流水非外物閒雲長屬君  
浮榮未可累曠達若為羣風起高梧下清絃日日聞

和閻士和李蕙冬夜重集

郡理日閒曠洗心宿香峰雙林秋見月萬壑靜聞鐘  
珮玉行山翠交麾動水容如何股肱守塵外得相從

春日陪顏使君眞卿皇甫曾西亭重會韻海諸

生

為重南臺客朝朝會魯儒  
暄風衆木變清景片雲無  
峰翠飄簷下溪光照座隅  
不將簪艾隔知與道情俱

寒食日同陸處

一本無此字

士行報德寺宿解公房

古寺

一作欲問

章陵下

一作寺

潛

一作支

公住幾年安心生  
輭草

灌頂引春泉

一作亂山春霽裏微徑古松遙

寂寂傳燈地寥寥禁火天

世間

一作人

多暗室白日為誰懸

兵馬曹季良宅夜集

清景不可失尋君趣有餘身高避事後

一作外

道長問心

初出處名則異遊從跡何疎吟看刻畫燭笑卷讀殘書  
露彩生筆硯風音入庭除平明仙侶散敲觥動迴車

同李侍御萼李判官集陸處士羽新宅

素風千戶敞新語陸生能借宅心常遠移籬力更宏  
釣絲初種竹衣帶近裁藤戎佐推兄弟詩流得友朋  
柳陰容過客花徑許招僧不為牆東隱人家到未曾

題報恩寺惟照上人房

上界雨色乾涼宮日遲遲水文披菡萏山翠動果愚中  
有清真子惜惜步閑墀手紫頗黎縷願證黃金姿旋草  
階下生看心當此時

亦名苾芻草枝葉皆右  
旋故名旋草草有五德

### 尋天目徐君

常見仙翁變姓名豈知松子號初平逢人不道往來處  
賣藥還將雞犬行獨鶴天邊俱得性浮雲世上共無情  
三花落地君猶在笑撫安期昨日生

### 同李著作作縱題塵外上人院

百緣惟有什么公瓶萬法但看一字經從遣鳥喧心不動  
任教香醉境常冥蓮花天晝浮雲卷貝葉宮春好月停  
禪伴欲邀何著作空音宜向夜中聽

題周諫別業

予寺與周生所  
居俱臨茗水

隱身茗上欲如何不著青袍愛綠蘿柳巷任疎容馬入  
水籬從破許船過昂藏獨鶴閑心遠寂歷秋花野意多  
若訪禪齋遙可見竹窻書幌共煙波

同李中丞洪水亭夜集

佳人但

一作且

莫吹參差正憐月色生酒卮山公

一作翁

取

醉不關我為

一作自

愛樽前白鷺鷥

### 題秦系山人麗句亭

獨將詩教領諸生但看青山不愛名  
蒲院竹聲堪愈疾

亂牀

一作林

花片足忘情

### 春夜集陸處士居

一本無此字

翫月

欲賞芳菲肯

一作不

待辰

一作晨

忘情人訪有情人  
西林可

豈

一作

是無清景祇為忘情不記春

寄題雲門寺梵月無側房

時人相傳是寶月道人後身也

越山千萬雲門絕西僧貌古還名月清朝掃石行道歸  
林下眠禪看松雪

法華寺上方題江上人禪室

路入松聲遠更奇山光水色共參差中峰禪寂一僧在  
坐對梁朝老桂枝

冬日山行過

一作過

薛徵君

我行倦修坂四顧無平陸雨霽鳴鴈鷗天寒聚麋鹿幽



人訪名士家在南岡曲  
萊實繁小園稻花繞山屋  
深居寡憂悔勝境怡耳目  
徵心尚與我永言謝浮俗

往丹陽尋陸處士不遇

遠客殊未歸我來幾惆悵  
叩關一日不見人繞屋寒花  
笑相向寒花寂寂徧荒阡  
柳色蕭蕭愁暮蟬行人無數  
不相識獨立雲陽古驛邊  
鳳翅山中思本寺魚竿村口  
望歸船歸船不見見寒煙  
離心遠水共悠然他日相期  
那可定閑僧著處即經年

集湯評事衡湖上望微雨

蒼涼遠景中  
雨色綠山有雲送  
滿洞庭風吹繞楊柳  
蕭蕭解輕袂  
盡日隨林叟

九日與陸處士羽飲茶

九日山僧院  
東籬菊也黃  
俗人多泛酒  
誰解助茶香

夜過康錄事造會兄弟

愛君門館夜來清  
瓊樹雙枝是弟兄  
月在詩家偏足思  
風過客位更多情

題沈少府書齋

不下南昌縣書齋  
每日閑野花當砌  
落溪鳥逐人還有  
興常臨水無時不見山  
千峯數可盡不出小窓間

春夜與諸公同宴呈陸郎中

南國宴佳賓  
交情老倍親  
月慙紅淚燭  
花笑白頭人  
寶瑟絙一作垣餘怨  
瓊枝不讓春  
更聞歌子夜  
桃李艷妝新

九日阻雨簡高侍御時與高公近鄰

江上重雲起  
何曾衰塵不能成  
落帽翻欲更推巾  
素

髮閑依枕黃花暗待人且應携下價芒屨就諸隣

第二句缺

一字

晚春尋桃源觀

武陵何處訪仙鄉古觀雲根路已荒細草擁壇人迹絕  
落花沈澗水流香山深有雨寒猶在松老無風韻亦長  
全覺此身離俗境玄機亦可照迷方

同盧使君幼平郊外送閣侍御歸臺

留餞飛旌駐離亭草色間栢臺今上客竹使舊朝班日

落東西水天寒遠近山古江分楚望殘柳入隋關戀闕  
心常積迴軒日不閑芳辰倚門道猶得及春還

御定全唐詩卷八百十七

欽定四庫全書

御定全唐詩卷八百十八

皎然

送梁拾遺肅歸朝

明主重文諫才臣出江東束書辭東山改服臨北風萬  
里望皇邑九重當曙空天開芙蓉闕日上蒲桃宮天子  
初未起金閨籍先通身逢軒轅氏名貴鴛鸞中故人榮  
此別何用悲絲桐

奉陪楊使君頊送段校書赴南海幕

碩賢靜廣州信為天下貞  
屈茲大將佐藉彼延閣英  
聲動柳吳興郊餞意不輕  
吾知段夫子高論闢蒼生  
處以德為藩出則道可行  
遙知南樓會新景當詩情  
天高林瘴洗秋遠海色清  
時泰罷飛檄惟應頌公成

送陸侍御士佳赴上京

長安三千里喜行不言永  
清路黃塵飛大河滄流靜  
更懷西川府主公昔和鼎  
伊鬱瑤瑟情威遲花驄影  
此時



已難別日又無停景出錢闕相從心隨過前嶺

奉陪顏使君真卿登岷山送張侍御嚴歸臺

峴首千里情北轅自茲發煙霞正登覽簪筆限趨謁黃  
鶴望天衢白雲歸帝闕客心南浦柳離思西樓月留賞  
景不延一作不延景感時芳易歇他晨有山信一為訪林樾

酬元主簿子球別贈

故人方遠適訪我陳別情此夜偶禪室一言了無生覽  
君緘中寶如掌清玉瑛胡為蘊高價歲晚徒營營辭秩

貧且病何人見艱貞出無黃金索空歌白苧行威遲策  
駑馬獨望故關樹渺渺千里心春風起中路近聞新拜  
命鸞鳳猶棲棘勸君寄一枝且養冥冥翼甘泉多竹花  
明年待君食

答道素上人別

春色徧遠道寂寞閩中行碧水何渺渺白雲亦英英離  
人不可望日暮芳洲情黃鶴有逸翮翹首白雲傾欲為  
山中侶肯祕遼天聲藍縷眞子褐歲隄近臣纓以茲奪

爾懷常恐道不成吾門弟子中不減惠休名一性研已  
遠五言功更精從君汗漫遊莫廢學無生忍草肯搖落  
禪枝不枯榮采采耐長路知吾心不輕幻情有去住真  
性無離別留取老桂枝歸來共攀折

雪溪館送韓明府章辭滿歸

洛令從告還故人東門餞惠愛三年積軒車一夜遠曉  
月離館空秋風故山晚榮君有嘉薦顧我阻遊行宿昔  
峰頂心依依不可卷

送穆寂赴舉

天子錫玄纁傾山禮隱淪君拋青霞去榮資觀國賓  
劍光旣陸離瓊彩何璘玢夙駕別情遠商弦秋意新冥  
冥鴻鵠姿數尺看蒼旻殘寇近宋郊西行惡颺塵立身  
素耿介處難思經綸春府搜才日高科得一人

送張

一本有仲字

昇歸長沙

早聞凌雲彩謂在鴛鴦儔華髮始相遇滄江仍旅游策  
名忘苟進澹慮輕所求常服遠遊誠緬懷經世謀片帆

背風渚萬里還湘洲別望荆雲積歸心漢水流  
蘭荅行采采桂摧思悠悠宿昔無機者為君動離憂

秋日毘陵南寺送潘述之揚州

孤客秋易傷嘶蟬靜仍續佳晨亦已屢歡會常不足  
禪地非路岐我心豈羈束情生遠別時坐恨清景促望中  
千里隔暮歸西山曲蕭條月中道彩葭原上綠不見同  
心人幽懷增踟躕

春日又送潘述之揚州

別渚望邳城岐路春日徧柔風吹楊柳芳景流郊甸日  
日東林期今夕異鄉縣文房曠佳士禪室阻清盼潘生曾受印  
離恨奪賞心不得諧所願莫憶山中人碧雲遙可見

新秋送盧判官

故人念宿昔欲別增遠情入座炎氣屏為君秋景清  
繇來空山客不怨離弦聲惟有暮蟬起相思碧雲生

奉送袁高使君詔徵赴行在效曹劉體

皇心亭毒廣蠶賊皆陶甄未刈蚩尤旗方同軒后年天

子幸漢中輟輟阻氛煙璽書召幕

一作英

牧名在列岳仙

國難倚長城廟謀資大賢清損休汝騎仁留述職篇遐  
路渺天末繁笳思河邊飾徒促遠期祇命赴急宣謏才  
豈足稱深仁顧何偏那堪臨流意千里望旂旃

奉送陸中丞長源詔徵入朝

詔下鄴侯幕徵賢寵上

一作大

勲才當持漢典道可致堯

君藩牧今榮餞詩流此盛文水從吳渚別樹向楚門分

宿寺期嘉月看山識故雲歸心復

一作欲

何奈

一作托

悵悵

在江濱

奉送李中丞道昌入朝

文憲中司盛恩榮外鎮崇諸侯皆取則八使獨推功詔  
喜新銜鳳車看舊飾熊去思今武子餘教昔文翁清在  
一作如江水仁留是國風光一作徵二千石掃第望司  
空

冬日

一本有奉字

送顏延之明府撫州覲叔父

一作覲省

臨川千里別惆悵上津橋日暮人歸盡山空雪未消鄉



雲心渺渺楚水路遙遙林下方歡會山中獨寂寥天寒  
驚斷雁江信望回潮歲晚流芳歇思君在此宵

一作紫宵

### 送闕小師還金陵

如何有歸思愛別欲忘難白鷺沙洲晚青龍水寺寒  
蕉花鋪淨地桂子落空壇持此心為境

一作鏡

應堪月夜看

### 峴山送裴秀才赴舉

漢家招秀士峴上送君行萬里見秋色兩河傷遠

一作別

情王師出西鎬校寇避

一作寢

東平天府登名後迴看楚

水清

酬別襄陽詩僧少微

詩中答上人  
歸夢之意

證心何有夢示說夢歸頻文字齋秦本詩騷學楚人蘭  
開衣上色柳向手中春別後須相見浮雲是我身

送契上人遊揚州

西陵古江口遠見東揚州淥水不同泛春山應獨遊尋  
僧白巖寺望月謝家樓宿昔心期在人寰非久留

送德清衛明府赴選

時柳黥陟  
有薦狀

八使慎求能東人獨薦君身猶千里限名已九霄聞遠  
路翻喜別離言暫惜分鳳門多士會擁佩入卿雲

送鄭孝廉淮西覲省

離袂翠華滿晨羞欲早行春風生楚樹曉角發隋城野

靄

一作  
山露

濕衣彩江鴻增客情征途不用戒坐見

一作  
月

白

波清

送沈秀才之閩中

越客不成歌春風起淥波嶺重寒不到海近瘴偏多野

戍枕榔發人家翡翠過翻疑此中好君問定如何

送清會上人遊京

佳遊限衰疾一笑向西風思見青門外曾臨素滻東峰

明雲際寺

寺名

日出露寒宮

宮名

行道禪長在香塵不染空

送沈居士還太原

辭官

一作鄉

因世難家族盛南朝名重郊居賦

沈休文作郊居賦

才高獨酌謠

沈文子作

浪花飄一葉峰色向三條高逸雖成

性弓旌肯忘

一作妄

招

同顏使君真卿峴山送李法曹陽冰西上獻書  
時會有詔徵赴京

漢日中郎妙周王太史才雲書捧日去鶴版下天來草

見吳洲

一作宮

發花思御苑開羊公惜

一作昔

風景欲別幾

遲迴

兵後送姚太祝赴選

兩河兵已偃處處見歸舟日夜故人散江皋芳樹秋楚  
雲傷遠思秦月憶佳遊名動春宮籍翩翾才少儔

兵後送薛居士移家安吉

舊遊經喪亂道在復何人  
寒草心易折閒雲性常真  
交情別後見詩句比來新  
向我桃州住惜君東嶺春

送鄔儻之洪州覲兄弟

年少足詩情西江楚月清  
書囊山翠濕琴匣雪花輕  
久別經離亂新正憶弟兄  
贈君題樂府為是豫章行

送乾封李成

羽檄飛未息離情遠近同  
感君繇泛瑟關我是征鴻  
眇

默歸人盡疎  
蕪夜渡空還  
期當歲晚獨  
在路行中

送崔判官還揚子

輕傳祇遠役  
依依下姑亭  
秋聲滿楊柳  
暮色繞郊垌  
煙水搖歸思  
山當楚驛青

奉酬袁使君  
西樓餞秦山人  
與晝同赴李侍御  
招三韻

秋風怨別情  
江守上西城  
竹署寒流淺  
琴窗宿雨晴  
治書招遠意  
知共楚狂行

送清涼上人

何意欲歸山道高繇境勝花空覺性了月盡知心證永  
夜出禪吟清猿自相應

送李丞使宣州

結駟何翩翩落葉暗寒渚夢裏春穀泉愁中洞庭雨聊  
持剡山茗以代宣城醕

送至洪沙彌遊越

知爾學無生不應傷此別相逢宿我寺獨往遊靈越早



晚花會中經行剡山月

送皇甫侍御曾還丹陽別業

雲陽別夜憶春耕  
花發菱湖問去程  
積水悠揚何處夢  
亂山稠疊此時情  
將離有月教弦斷  
贈遠無蘭覺意輕  
朝右要君持漢典  
明年北墅可須營

白蘋洲送洛陽李丞使還

蘋洲北望楚山重  
千里迴輶止一封  
臨水情來還共載  
看花醉去更相從  
罷官風渚何時別  
寄隱雲陽幾處逢

後會那應似疇昔年年覺老雪山容

送履霜上人還金陵西山

携錫西山步綠莎  
禪心未了奈情何  
湘宮水寺清秋夜  
月落風悲松栢多

送辨聰上人還廣陵

莫學休公學遠公  
了心須一作還與我心同  
隋家古柳數

株在看取人間萬事空

送清勵上人遊福建

禪子自矜禪性成將來一作心擬照建溪清南看閩樹花

不落更取何緣一作情了妄情

送顧道士遊洞庭山

見說洞庭無上路春遊亂踏五靈芝含桃風起花狼籍

正是仙翁碁散時

送邢台州濟一作送獨孤  
使君赴岳州

海上仙山屬使君石橋琪樹古一作此來聞他時畫出白

團扇乞取天台一片雲

送柳察諫議叔

東城南陌強經過，怨別無心亦放歌。  
一作院明日院公應

問我閑雲長在石門多。

送柳淡扶侍赴洪州

此子素少宦情，共予有西山之好。

中林許師友，忽阻夙心期。  
自顧青緇好，來將黃鶴辭。  
少年輕遠涉，世道得無欺。  
煙雨孤舟上，晨昏千里時。  
離魂渺天末，相望在江湄。  
無限江南柳，春風捲亂絲。

同李司直題武丘寺兼留諸公與陸羽之無錫

陵寢成香阜  
禪枝出白楊  
劍池留故事  
月樹即他方  
應世緣須別  
棲心趣不忘  
還將陸居士  
晨發泛歸航

夏日題鄭谷江上納涼館

迢遙山意外  
清風又對君  
若爲於此地  
翻作路岐別  
館琴徒語前  
洲鶴自羣  
明朝天畔遠  
何處逐閒雲

太湖館送殷秀才赴舉

春風洞庭路  
搖蕩暮天多  
衰疾見芳草  
別離傷遠波  
詩名推首薦  
賦甲擬前科  
數日聞天府  
山衣製芟荷

送重釣上人遊天台

漸看華頂出幽賞意

一作意尚

隨生十里行松色千重過水

聲海容雲正盡山色雨

一作態雪

初晴事事將心證知君道

可成

早春送顏主簿遊越東兼謁元中丞

輕舸趣不已東風吹綠蘋欲看梅市雪知賞柳家春別

意傾吳醕

一作醕

芳聲動越人山陰三月會內史得嘉賓

同顏使君清明日遊因送蕭主簿

誰知賞佳節別意忽相和暮色汀洲徧春情楊柳多高  
城戀旌旆極浦宿風波惆悵支山月今宵不再過

送道琚上人還金陵

一與鍾山別山中得信稀經年求法後及夏問安歸野  
實充甘膳池花當彩衣慈親莫返拜外禮欲無為

送裴邕之上京

辭山偶世清挾策忽西行帆過隨江疾衣霑楚雪輕尚  
文須獻賦重道莫論兵東觀今多事應高白馬生

送珍上人還天竺兼寄廣通上人秦山人

江寺名天竺多居躡遠蹤春帆依柳浦輕履上蓮峰  
禪子兼三隱空書共一封因君達山信應向白雲逢

送張孝廉赴舉

名在諸生右家經見素風春田休學稼秋賦出儒宮  
別路殘雲濕離情晚桂叢明年石渠署應繼叔孫通

送劉司法之越

一本有  
州字

蕭蕭鳴夜角驅馬背城濠雨後寒流急秋來朔吹高三



山期望海八月欲觀濤  
幾日西陵路應逢謝法曹

送簡栖上人之建州覲使君舅

亂峰江上色羨爾及秋行  
釋氏推真子郝家許貴甥

花新雨淨帆葉好風輕

海人以木葉為帆

千里依元舅迴潮亦

有情

一作迴棹  
有遠情

登開元寺樓送崔少府還平望驛

登望思慮積長亭樹連連  
悠揚下樓日杳映傍帆煙入

夜四郊靜南湖月待船

送王居士遊越

野性配雲泉詩情屬風景  
愛作爛熳遊閑尋東路永何  
山最好望須上蕭然嶺

雜言重送皇甫侍御曾

人獨歸日將暮孤帆帶孤嶼  
遠水連遠樹難作別時心  
還看別時路

送演上人之撫州覲使君叔

臨川內史憐諸謝爾在生緣  
比惠宗遠別應將秦本去

幽尋定有楚僧逢  
停船夜坐親孤月  
把鋤秋行入亂峰  
便道須過大師寺  
白蓮池上訪高蹤

送大寶上人歸楚山

厭上烏橋送別頻  
湖光爛漫望行人  
欲將夜舸陪嘉月  
肯住空林伴老身  
獨鶴翩翻飛不定  
歸雲蕭散會無因  
從何得道懷惆悵  
莫是人間屢見春

送侯秀才南遊

芳草隨君自有情  
不關山色與猿聲  
為看巖子灘頭石

曾憶題詩不著名

別

一作送

洞庭維諒上人

白雲關我不關他此物留君情最多情

一作憶

著春風生

橘樹歸心不怕洞庭波

康造錄事宅送太祝姪之虔吉訪兄弟

阮咸別曲四座愁賴是春風不是秋漫漫江行

一作帆

訪

兄弟猿聲幾夜宿蘆洲

冬日梅溪送裴方舟宣州

平明足

一作走

馬上村橋花發

一作落

梅溪雪未消日短天

寒愁送客楚山無限路遥遥

一作迢迢

送韋向睦州謁獨孤使君汜

才子南看多遠情閑舟蕩漾任春行新安江色長如此

何似新安太守清

送至嚴山人歸山

一作送嚴上人

初到人間柳始陰山書昨夜報春深朝朝花落幾株樹

惱殺禪僧

一作翁

未證心

送僧遊

一作之揚州

平明擇鉢

一作環錫

向風輕正及隋堤柳色行知爾禪心還

似我故宮春物

一作草

宵傷情

對陸迅飲天目山茶因寄元居士晟

喜見幽人會初開野客茶日成東井葉露採北山芽文  
火香偏勝寒泉味轉嘉投鐫湧作沫著椀聚生花稍與  
禪經近聊將睡網賒知君在天目此意日無涯

渡前溪

不意入前溪愛溪從錯落清清鑑不足非是深難度

送靈澈

我欲長生夢無心解傷別千里萬里心只似眼前月

寄陸溫州

欲問采靈藥如何學無生愛鶴頗似君且非求仙情

浣紗女

一作王維詩  
題云白石灘

清淺白沙灘綠蒲尚堪把家住水東西浣紗明月下

待山月

夜夜憶故人長教山月待今宵故人至山月知何在

雜興

人生分已定富貴豈妄來不見海底泥飛上成塵埃

春陵登望

西底空流水東垣但聚雲最傷梅嶺望花雪正紛紛

投知己

若為令憶洞庭春上有閑雲可隱身無限白雲山要買  
不知山價出何人





御定全唐詩卷八百十八

欽定四庫全書

御定全唐詩卷八百十九

皎然

兵後餘不亭重送盧孟明遊江西

孟明常引支子元道人修習禪心兼餌芝朮遂與  
予有棲山之契其宦情未遣故勸勉之

攜手曾此分恍如隔秦越倫侯古封邑榮盛風雨歇飢  
鼃號空亭野草生故轍如何此路岐更作千年別馮軾

望遠道春山無斷絕朝行入郢樹夜泊依楚月佳士持  
操高揚才日昭晰離言何所贈盈滿有虧缺時節傷蟪  
蛄芳菲忌鷦鷯予思鹿門隱心跡貴冥滅顏顏反芝朮  
昔貌成冰雪歲晏期爾來銷聲坐巖穴

別山詩

時因主人寄風溪蘭若與道士石脇峰相鄰禪僧  
仙師時得道會至秋中值外緣有請別山懷舊遂  
有是詩

山翁亦好禪借我風溪樹採藥多近峰

一作秋蓬

汲泉有春

渡幽僧時相偶

一作過

仙子或與晤自許戰勝心彌高獨

遊步如何區中事奪我林棲趣辭山下復上戀石行仍  
顧宿昔情或乖庶幾跡無誤松聲莫相誚此心冥去住

同袁高使君送李判官使迴

庾公歡此別路遠意猶賒為出塘邊柳榮歸府中花馳  
陽照古堞遙思凝寒笳延步下前渚汴觴流淺沙湖光  
引行色輕舸傍殘霞

陪顏使君餞宣諭蕭常侍

江濤凋瘵後，遠使發天都。  
昏墊宸心及，哀矜詔命敷。  
恤民驅急傳，訪舊枉征艫。  
外鎮藩條最，中朝顧問殊。  
文皆正風俗，名共溢寰區。  
已事方懷闕，歸期早戒塗。  
繁笳咽水閣，高蓋擁雲衢。  
暮色生千嶂，秋聲入五湖。  
離歌猶宛轉，歸馭已踟蹰。  
今夕庾公意，西樓月亦孤。

春陪顏使君修韻海畢東溪泛舟餞諸文士

諸侯崇魯學，羔鴈日成羣。  
外史刊新韻，中郎定古文。

魯公

著書依切韻起東  
字脚皆列古篆

菁華兼百氏縑

一作雅

素備三墳國語

思開物王言欲致君研精業已就  
懽宴惜應分獨望西  
山去將身寄白雲

今上初登極歲送皇甫孝廉赴選

孝廉即故大夫之子

行應會府春欲勸及芳辰  
北極天文正東風漢律新  
少年逢聖代歡笑別情親  
況是勲庸後恩榮襲爾身

同楊使君白蘋洲送陸侍御士佳入朝

久愛吳興客來依道德藩  
旋師聞杖屨歸路憶轅轅  
舊

佩蒼王在新歌白芷繁今朝天地靜北望重飛翻

雪夜送海上人常州覲叔父上人般仲文後

繼世風流在傳心向一燈望雲裁衲慣翫雪步花能交  
戰情忘久銷魂別未曾明朝阮家集知有竹林僧

送常清上人還舒州

潯

徐林反

人思爾法楚信有迴船估客親宵語閑鷗偶晝

禪經聲含石漱塵尾拂江煙常說歸山意誅茅廬霍前

峴山送崔子向之宣州謁裴使君



楚思入詩清晨登峴山情秋天水西寺古木宛陵城琴  
匣應將往書車亦共行吾知江太守一顧重君名

送嚴明府入關謁黎京兆

春日異秋風何為怨別同潮迴芳渚沒花落畫山空旅  
候聞嘶馬殘陽望斷鴻應思右內史相見直城中

送丘秀才遊越

山情與詩思爛熳欲何從夜舸誰相逐空江月自逢春  
明越草秀晴憶剡雲濃便擬將輕錫携居入亂峯

送楊校書還濟源

妖烽昨日靜故里近嵩丘楚月搖歸夢江楓見早秋鄉  
心無遠道北信減離憂禪子還無事辭君買沃州

送楊遂初赴選

秋風吹別袂客思在長安若得臨觴醉何須減瑟彈秉  
心凌竹柏仗信越波瀾春會文昌府思君每北看

送贊上人還京

久遊春草盡還寄北船歸沙鳥窺中食江雲入

一作滿

淨

衣秦原山色近楚寺磬聲微見說翻經館多聞似一作爾  
者稀

送廣通上人遊江西

香爐七嶺秀秋色九江清自古多禪隱吾常愛此行尋  
師經鄂渚受請到青城離別人間事何關道者情

送羅判官還壽州幕

君章才五色知爾得家風故里旋歸駕壽春思奉戎天  
寒長蛇伏飈烈文虎雄定頌張征虜桓桓戡難功

送李秀才赴婺州招

山開江色上孤賞去應遲綠水迎吳榜秋風入楚詞

一作

祠猿清獨宿處木落遠行時見說東陽守登樓爲爾期

送薛逢之宣州謁廢使

一作謁  
裴使君

六月鵬盡化鴻飛獨冥冥秋烽家不定險路客頻經牛  
渚何時到漁船幾處停遙知詠史夜謝守月中聽

送德守二叔姪上人還國清寺覲師

道賢齊二阮俱向竹林歸古偈穿花綠春裝卷葉衣僧

墟迴水寺佛隴啟山扉愛別吾何有人心強有違

同明府章送沈秀才還石門山讀書

身為郢

一作  
郢

令客心許楚山雲文墨應經世林泉漫誘

君欲隨樵子去惜與道流分宵謝申公輩治詩事漢文

送吉判官還京赴崔尹幕

江南梅雨天別思極春前長路飛鳴鶴離帆聚散煙清  
晨趨九陌秋色望三邊見說王都尹山陽辟一賢

送裴判官赴商幕

商洛近京師才難赴幕時離歌紛白佇侯騎擁青絲會  
喜疲人息應逢黠寇衰看君策高足自此煙霄期

送李喻之處士洪州謁曹王

獨思賢王府遂作豫章行雄鎮廬霍秀高秋江漢清見  
聞驚苦節艱故傷遠情西邸延嘉士遺才得正平

送唐贊善遊越

田園臨漢水離亂寄隨關今日煙塵盡東西又未還長  
亭百越外孤權五湖間何處遊芳草雲門千萬山

送韋秀才

晨裝行墮葉萬里望桑乾舊說涇關險猶聞易水寒黃  
雲戰後積白草暮來看近得君苗信時教旅思寬

送陳秀才赴舉

諸侯懼削地選士皆不羈休隱脫荷芰將鳴矜羽儀甲  
科爭玉片詩句擬花枝君實三楚秀承家有清規

烏程李明府水堂同廬使君幼平送熒上人遊

五臺

身將劉令隱經共謝公翻有此宗師在應知我法存問  
心常寂樂為別豈傷魂獨訪華泉去秋風入雁門

送李季良北歸

風吹殘柳細

一作綠

孤客欲歸時掩抑楚絃絕離披湘葉

衰前軍猶轉戰故國杳難期北望鴈門雪空吟平子詩

送淳于秀才蘭陵覲省

歡言欲忘別風信忽相驚柳浦歸人思蘭陵春草生  
芳心未及視枕戀常盈此去非長路還如千里情



送至洪沙彌赴上元受戒

上元江中蔡州有梁戒壇

不肖資章甫勝衣被木蘭今隨秣陵信欲及蔡州壇野  
寺鐘聲遠春山戒足寒歸來次第學應見後心難

九日同盧使君幼平吳興郊外送李司倉赴選  
重陽千騎出送客為踟躕曠野多搖落寒山滿路隅晴  
空懸蒨旆秋色起菱湖幾日登司會揚才盛五都

送盧孟明還上都

江臯北風至歸客獨傷魂楚水逢鄉雁平陵憶故園征

驂嘶別館落日隱寒原應及秦川望春華滿國門

送李少賓赴舉

豈謂江南別心如塞上行苦雲搖陣色亂水攪秋聲周  
谷雨未散漢河流尚橫春思遲爾策方用靜妖兵

留別閻士和

不慣人間別多應忘別時逢山又逢水只畏一作却却一作  
恐來遲

送李道士

常隨山上下忽限江南北共是忘情人何繇肯相憶

送裴參軍還下邳舊居

北望煙鋪

一作銷

驃騎營邊烽無火楚天晴此時千里西

一作思

歸客洒上春風得及

一作返

耕

送文會上人還富陽

悠悠渺渺屬

一作涉

寒波故寺思歸意若何長憶孤洲

一作作

舟

二三

一作三二

月春山偏愛

一作賞

富春

一作陽

多

送維諒上人歸洞庭

從來湖上勝人間遠愛浮雲獨自還孤月空天見心地

寥寥一水

一作三鏡

鏡

一作水

中山

九月八日送蕭少府歸洪州

明日重陽今日歸布帆絲雨望霏霏行過鶴渚知堪任  
家在龍沙意有違

同顏魯公泛舟送皇甫侍御曾

維舟若許暫從容送過重江不厭重霜簡別來今始見  
雪山歸去又難逢

送孫侍御遊越

不知持斧客吟會是何情  
丹陛恩猶在滄洲賞暫行  
江繞隨月泛山策逐雲行  
佳句傳零雨詩流許盛名

送顏處士還長沙覲省

西候風信起三湘  
孤客心天寒漢水廣  
鄉遠楚雲深  
服綵將侍膳  
擷芳思滿襟  
歸人忘一作志  
艱阻別恨獨何任

送還本上人遊江西

欲廣分何教  
心將江漢期  
雲招望寺處  
月待泝杯時  
真

侶誰傷別降猿汝自悲多應過廬阜幽賞却來遲

送路少府使京兼覲侍御兄

國賦推能吏今朝發貢湖佇瞻雙闕鳳思見栢臺烏樹  
向秦關遠江分楚驛孤榮君有兄弟相繼騁長途

於武原從送盧士舉

落日獨歸客空山足一作走馬嘶蕭條古關外岐路更東

西大澤雲寂寂長亭雨淒淒君還到湘水寒夜滿猿啼

送烏程李明府得陟狀赴京

驛吏滿江城深仁見此情士林推玉振公府薦氷清爲  
政移風久承恩就日行仲容綸綍貴南巷有光榮

送裴秀才往會稽山讀書

一身齋萬卷編室寄煙蘿硯滴穿池小書衣種楮多吟  
詩山響答泛瑟竹聲和鶴板求儒術深居意若何

送崔詹事論之上都

崔當典  
吳興

金虎城池在銅龍劍佩新重看前浦柳猶憶舊洲蘋遠  
思秦雲暮歸心臘月春青園昔遊處惆悵別離人

京口送盧孟明還揚州

蕭蕭北風起孤櫂下江濱暮客去來盡春流南北分  
萋萋御亭草渺渺蕪城雲相送目千里空山獨望君

送沙彌大智遊五臺

童年隨法侶家世本儒流章句三生學清涼萬里遊雲  
歸龍沼暗木落雁門秋長老應一作憶相問一作待傳予向

祖州

送稟上人遊越



雲泉誰不賞獨見爾情高投石輕龍窟臨流笑鷺濤折  
荷為片席灑水淨方袍剡路逢禪侶多應問我曹

送潘秀才之舒州

楚水清風生揚舲泛月行荻洲寒露彩雷岸曙潮聲東  
道思才子西人望客卿從來金谷集相繼有詩名

送王山人遊廬山

千里訪靈竒山資亦相隨葉舟過鶴市花漏宿龍池岑  
頂應閑散人間足別離白雲將世事吾見爾心知

送道契上人之越覲大夫叔

楚僧推後輩唐本學新經外國傳香氎何人施竹瓶秋  
風別李寺春日向柯亭大阮今為郡看君眼最青

送沙彌長文遊京

白版年猶小黃花褐已通若為詩思逸早欲似休公邁  
俗多真氣傳家有素風應須學心地宗旨在關東

秋日送擇高上人往江西謁曹王

超然獨遊趣無限別山情予病不同賞雲閑應共行齋

容秋水照香氎早風輕曾被陳王識遙知江上迎

送如獻上人遊長安

關中四子教猶存見說新經待爾翻為法應過七祖寺  
忘名不到五侯門閒尋鄴杜看修竹獨上風涼望古原  
高逸詩情無別怨春遊從遣落花繁

日曜上人還潤州

送君何處最堪思孤月停空欲別時露茗猶芳邀重會  
寒花落盡不成期鶴令先去看山近雲礙初飛到寺遲

莫倚禪功放心定蕭家陵樹誤人悲

寺院聽胡笳送李殷

一奏胡笳客未停野僧還欲廢禪聽難將此意臨江別  
無限春風葭莢青

送僧

一作李 繹

斜日搖

一作悠

揚在柳絲孤亭寂寂水逶迤誰堪別後行

人盡唯有春風起路岐

答裴評事澄荻花間送梁蕭拾遺

波

一作江

上荻花非雪花風吹撩亂滿袈裟如今歲宴無

芳草獨對離樽作物華

送勝雲小師

昨日雪山記

一作知

爾名吾今坐石已三生少年道性易

流動莫遣秋風入別情

誚士和別

今日同明日隔何事悠悠久為客吾憐溪上去來雲我

羨磷磷水中石

送吳馮遊京

北期何意促蕙草夜來繁清月思淮水春風望國門此  
時休旋逸萬里忽飛翻若憶山陰會孤琴為我援

送僧遊宣州

一作宣城

楚山千里一僧行念爾初緣道未成莫向舒姑泉口泊  
此中鳴咽為一作易傷情

宿支硎寺上房

上方精舍遠共宿白雲端寂寞千峰夜蕭條萬木寒山

光霜下見松色月中看却與西林別歸心即欲闌

答胡處士

西山禪隱比來聞長道唯應我與君書上無名心忘却  
人間聚散似浮雲

答張烏程

莫道謫官無主人秣陵才今日相親前溪更有忘憂處  
荷葉田田間白蘋

酬張明府

愛君詩思動禪心使我休吟待鶴吟更說都中黃霸在  
朝朝無事許招尋

勞山居寄呈吳處士

官居謁鶴古今無名世才臣獨一余賢閣御題龍墨燦  
詔歸補袞在須臾

御定全唐詩卷八百十九